

疆 邦 華 書



南澗詩餘目錄

點絳脣

浣溪沙

霜天曉角

菩薩蠻

減字木蘭花

訴衷情

謁金門

好事近

秦樓月

朝中措

賀聖朝

西江月

燕歸梁

南柯子

浪淘沙

鷓鴣天

虞美人

夜行船

南鄉子

醉落魄

一翦梅

臨江仙二

江神子二

滿江紅三

水調歌頭七

醉蓬萊

念奴嬌四

水龍吟二

瑞鶴仙

薄倖

水龍吟

好事近

永遇樂

六州歌頭

醉落魄

南柯子

臨江仙

水龍吟

驀山溪

南鄉子

鷓鴣天

鵲橋仙

朝中措
醉落魄

二

瑞鶴仙

南澗詩餘

潁川 韓元吉 无咎

點絳脣 十月桃花

木落霜濃探春只道梅花未嫩紅相倚灼灼新妝膩
莫問仙源且問花前事休辭醉想君園口總是生春地
浣溪沙 次韻曾吉甫席上

莫惜清樽領客同已無花伴舞衣紅強歌歸去莫怱怱
細雨弄煙煙弄日斷雲黏水水黏空醺醺飛下晚來
風

霜天曉角 蛾眉亭

倚天絕壁直下江千尺天際兩蛾凝黛愁與恨幾時極

怒潮風正急酒醒聞塞笛試問謫仙何處青山外遠
煙碧

又夜飲武將家有歌霜天曉角者聲調淒婉戲爲賦之
幾聲殘角月照梅花薄花下有人同醉風滿檻波明閣
夜寂香透幕酒深寒未著莫把玉肌相映愁花見也
羞落

菩薩蠻青陽道中

春殘日日風和雨煙江目斷春無處山路有黃鸝背人
相喚飛解鞍宿酒醒敲枕殘香冷夢想小亭東薔薇
何似紅

又臘梅

江南雪裏花如玉，風流越樣新裝束。
恰恰縷金裳，濃熏百和香。
分明籬菊豔，卻作妝梅面。
無處柰君何，一枝春更多。

又夜宿余家樓聞笛聲

薄雲卷雨涼成陣，雨晴陡覺荷香潤。
波影澹寒星，水邊鐙火明。
白蘋洲上路，幾度來還去。
敬枕恨茫茫，笛聲依夜長。

又鄭舜舉別席侑觴

詔書昨夜先春到，留公一共梅花笑。
青瑣鳳凰池，十年歸已遲。
靈溪霜後水的的清，無比比似使君清。
要知清更明。

又春歸

牆根新筍看成竹青梅老盡櫻桃熟幽□幾多花落紅
成暮霞閉門風又雨只道春歸去媚臉笑持杯卻驚
春思回

又葉丞相園賞木犀次韻子□

梧桐葉上秋蕭瑟畫闌桂樹攢金碧花底最風流相逢
不上樓數枝添寶髻滴滴香沾袂杯到莫留殘霧窗
疑廣寒

減字木蘭花雪中集醉高樓

壺中春早翦刻工夫天自巧雨轉風斜吹作千林到處
花瑤池清淺璧月瓊枝朝暮見莫上扁舟且醉仙家

白玉樓

又次韻趙倅

風梳雨洗玉闕瓊樓何處是
萬里秋容喚起嫦娥酒未
中相逢且醉忙裏偷閒知有幾
況自豐年須信金華別是天

訴衷情

木犀

疏疏密密未開時
裝點最繁枝
分明占斷秋思
一任曉風吹
金縷細翠綃垂
畫闌西
嫦娥也道一種幽香幾處相宜

謁金門

春雪

春尙淺誰把玉英裁
翦儘道梅梢開未徧
卷簾花滿院

樓上酒融歌暖樓下水平煙遠卻似湧金門外見絮
飛波影亂

又重午

幽檻暑又是一年重午獵獵風蒲吹翠羽楚天梅熟雨
往事瀟湘南浦魂斷畫船簫鼓雙葉石榴紅半吐倩
君聊寄與

好事近

辛幼安席上

華屋翠雲深雲外晚山千疊眼底無窮春事對楊枝桃
葉老來沈醉爲花狂霜鬢未須鑷幾許夜闌清夢任
翻成胡蝶

又鄭德與家留飯

秋意滿芙蓉紅映小園叢竹風裏鳳簫聲颺有新妝明
玉詩翁相對兩悠然一醉繞黃菊目盡晚山橫處共
修眉爭綠

秦樓月次韻陳子象

鶯聲寂春風欲去難蹤迹難蹤迹幾枝紅藥黃金消得
青銅鏡裏朱闌側照人也似傾城色傾城色一樽莫
負賞心良夕

朝中措辛丑重陽日劉守招飲石龍亭追錄

危亭崛起臥蒼龍絕景畫圖中便作龍山高會千年樂
事能同使君宴處丹楓影澹黃口香濃不惜歸鞍照
月直教破帽吹風

賀聖朝送天與

斜陽只向花梢駐似愁君西去清歌也便做陽關更朝
來風雨 佳人莫道一杯須近總眉峰偷聚明年歸詔
上鸞臺記別離難處

西江月閨重陽

一度難逢佳節今年兩度重陽菊花猶折御衣黃莫惜
危亭更上 況有飛觴豔玉從教醉帽吹香興來相與
共清狂頻把新詞細唱

又春歸

山路冥冥雨暗溪橋陣陣花飛一年寂寂又春歸白髮
自驚塵世 不惜障泥渡水且尋團扇題詩杜鵑休繞

暮煙嘒我欲風前重醉

燕歸梁木犀

涼月圓時翠帳深鎖非霧沈沈廣寒宮裏未歸人共結
屋住黃金繁枝未老秋光澹好風露總關心天香不
奈遠相尋更翦巧上瑤簪

南柯子次韻姚提點行可席上見貽

急雨朝來過濃雲晚半收荷香便傍酒樽浮極目澹煙
斜照滿芳洲消盡人閒暑翻成一段秋使星南楚轉
東甌只恐禁林歸詔未容留

又廣德道中遇重午

野杏搏枝熟戎葵抱葉開村村簫鼓畫船回客裏不知

時節又相催 角黍堆冰碗 兵符點翠釵 去年今日共
傳杯 應撚榴花獨立望歸來

浪淘沙 覺度寺

席地賞殘紅 少駐孤蓬 一春不奈雨和風 雨自無情風
有限 花片西東 雲澹遠峰濃 綠徧高桐 神仙知在此
山中 萬古消凝多少事 目盡晴空

又趙富文席上

倦客怕離歌 春已無多 閒愁須倩酒消磨 風雨纔晴今
夜月不醉如何 玉筍盪金荷 情在雙蛾 二年能得幾
經過 花滿碧谿歸棹遠回首煙波

又芍藥

鷓鴣怨花殘誰道春闌多情紅藥待君看濃澹曉妝新
意態獨占西園風葉萬枝繁猶記平山五雲樓映玉
成盤二十四橋明月下誰凭朱闌

鷓鴣天雪

山繞江城臘又殘朔風垂地雪成團莫將帶雨梨花認
且作臨風柳絮看煙杳渺路瀰漫千林猶待月爭寒
憑君細酌羔兒酒倚徧瓊樓十二闌

又九日雙溪樓

不惜黃花插滿頭花應卻爲老人羞年年九日常拚醉
處處登高莫浪愁酬美景駐清秋綠橙香嫩酒初浮
多情雨後雙谿水紅滿斜陽自在流

又九日登赤松絕頂

老去休驚節物催菊花端的爲君開攜壺幸有齊山客
懷古還如單父臺松掩映水縈回使君強健得重來
不須細把茱萸看且盡豐年酒一杯

虞美人送韓子師

西風斜日蘭皋路碧嶂連紅樹天公也自惜君行小雨
霏霏特地不成晴滿城桃李春來處我老君宜住莫
驚華髮笑相扶記取他年同姓兩尙書

又懷金華九日寄葉丞相

登臨自古騷人事慘慄天涯意金華峰頂做重陽月地
千尋風裏萬枝香相君攜客相應記幾處容狂醉雙

溪明月亂山青飛夢時時猶在最高亭

又七夕

煙霄脈脈停機杼雙鵲飛來語踏歌聲轉玉鉤斜好是
滿天風露一池花離多會少從來有不似人閒久歡
情誰道隔年遲須信仙家日月未多時

又葉夢錫園十月海棠盛開

詔書昨夜催春到綠野花爭早幾枝先見海棠開全勝
隴頭衝雪寄江梅破寒滴滴嬌如醉不比春饒睡萬
紅千紫莫嫌遲看取滿城花送袞衣歸

夜行船再至東陽有歌予往歲重九詞者

極目高亭橫遠岫拂新晴黛蛾依舊策馬重來秋光如